

Бийдэн гермүд бэрджэх улсд дөнъ болджахш

Нидн болн эн джил Сарпинск районд, гарсн-төрсн газрурн 1629 өрк-бул нүүдж ирлэ. Ирсн хальмгудиг района колхозмудар болн совхозмудар бээршлүлдж, эдниг кōдлмшэр тетклэ. Ода ирсн хальмгуд малчнр, хōбчнр, механизатормуд, модна урчуд болдж кōдлжәнэ.

Эн джил нүүдж ирсн амтнд бийстән гер-бэрдж авх сетклтән дала. Болв, гер тосхк ссудиннь мōнъгинь цаглань эс өгдгин болн тосхлтин материалар эс теткджэх учрар эдн бийстән гер бэрдж авчахмн уга.

Тегэд, 2-ч номертэ совхозин 3-ч болн 7-ч фермэр бээрх улс орх гер уга бээрхәнэ. 3-ч номертэ ферм деер амтн бээрхуучн 22 гер бээрнэ. Эн гермүдт сән ясвр кергтэ. Болв фермин залгч үр Умастаев ясвр кергтэгийн медэ бээрн бийнь, төрүц юм кеджэхш. Тер учрар, нүүдж ирсн хальмгуд бээрх гер уга бээрхәнэ.

хлтд гидж 560 минъгын арслнь гаргъдж өгсмн. Энүнэснь эн джилин түрүн өрәлд зуг 126 минъгын арслньга тосхлт гаргъв. Совхозин централнь усадьб деер болн фермсэр бийстән гер бэрдж авх улс йир олт, болв тосхлтин материал уга болсн учрар эдн гер бэрджәцхэхш.

Совхозин директор үр Павленко, парторганизацин сегләтр үр Гришков хойр бийстән гер бэрджэх улст дөнъ-тусан күргджэхш. „Ильича,“ „Путь Ленина“ колхозмудин, Чапаевин нертэ, „Сарпинский“ совхозмудин гарлачнр бийстән гермүд бэрджэх улст дөнъ-нөкд болцхахш.

Тегэд нүүдж ирсн хальмгудт бийстән гермүд бэрдж авлгънд, тосхлтин материалар күүцднь теткхин кергт КПСС-н Сарпинск райком болн района күүцэгч комитет дөнъгән күргтхэ гидж сурджанав.

1958 джил эн совхозд тос-

Н. ТИМАШОВ.